

Powšitkowne WOZJEWJENJA

njedźelu, 18. awgusta 2019

Ekumeniski nyšpor ze swjećenjom zelow

Ekumeniski nyšpor ze swjećenjom zelow budže tutu njedźelu, 18. awgusta, w 14.30 hodž. w klóštrje Marijinej hwězdze w Pančicach-Kukowje. Na tamnišej zahrodze budžetaj jón katolski farar Peter Opitz z Kamjenca a ewangelski superintendent Arnold Liebers z Leisniga swječić. Wopytwarjo móža zela sobu přinjesć a je wo swječić dać. Po nyšporje poskići tam skupina Leichtfuß & Liederliesel z Kubšic džěćacy a swójbny program z hudźbu a dźiwadłom. Nimo toho budže młodźinski dujerski orchester z pólskeho městačka Leśnica hrać.

Zetkanje samostejacych

Samostejacy ze serbskich wosadow su na swoje přichodne zetkanje štwórtk, 5. septembra, w 14 hodž. do Domu biskopa Bena w Smochćicach přeprašeni. Zajimcy njech so prošu hač do štwórtka, 29. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóż chce wotewzaty być, njech to prošu zdžěli.

Swójbne popođnjno na Kukowskim hrodzišću

Dekanatne dušepastyrstwo přeprašuje wutrobnje na swójbne popođnjno njedźelu, 1. septembra, na Kukowske hrodzišću. Wot 14.30 hodž. poskići so swačina a w 15.30 hodž. je nyšpor. Přizamknu so wšelake poskitki za džěci, młodostnych a dorosćenych.

Přednošk k stawiznam Małeho Wjelkowa

W něhdyšich sotrowskich domach na Zinzendorfowej dróze w Małym Wjelkowje porěči Lubina Malinkowa sobotu, 31. awgusta, w 20 hodž. k temje „Mały Wjelkow – serbski Ochranow“. Wšitcy su wutrobnje přeprašeni.

Městna za dobrowólnu službu hišće swobodne

Zwjazk Carity poskićuje wot septembra hišće městna za dobrowólne socialne lěto (FSJ) a za zwjazkowu dobrowólnu službu (BFD). Zasadzić móža so mjez druhim w Pančicach-Kukowje, Kamjencu a Budyšinje. Zajimcy měli so pola Drježdžansko-Mišnjanskeho Zwjazka Carity w referaće za dobrowólnu službu, telefonowe čisło (03 51) 48 42 40 50 abo z mailku na adresu fd@caritas-dicvdresden.de přizjewić.

„Žiwjenju křidła dać“

Dom biskopa Bena w Smochćicach přeprašuje wšitkich, kotřiž sami bydla, wot soboty do njedźele, 31. awgusta, do 1. septembra, na zhromadnej dnjej z druhimi singlemi. Pod hesłom „Žiwjenju křidła dać“ poskića so wšelake temowe koła a zhromadne akcije. Nadrobniše informacije dóstanu zajimcy pola Ansgara Hoffmanna, telefonowe čisło (03 59 35) 2 23 17 abo pod www.benno-haus.de.

Seminar ke kreatiwności a spiritualiće

„Zrawić – čłowjek so stać“ rěka titul seminara, kotryž wotměje so wot pjatka do nje-dźele, 13. do 15. septembra, w Smochčanskim Domje biskopa Bena. Při tym dže wo to, sej „nutrkowne swěty“ wotkryć, kotrež móža so ze swójskej kreatiwnosću, molowanjom wobrazow a symbolow zwuraznić. Kurs nawjedujetaj farar dr. Hans-Konrad Harmansa, kotryž je hewak nawoda eksercicijow a duchowny přewodźer, a Maren-Magdalena Sorger, duchowna přewodźerka a terapeutka za molowanje a wuhotowanje. Zajimcy měli so pak pod www.benno-haus.de, z mejlku na adresu referent@benno-haus.de abo telefonisce w Smochćicach pod čisłom (03 59 35) 2 23 17 přizjewić. Tam zhonja nadrobnosće.

Kocorowy rekwiem zanjesu lětsa w Ketlicach – serbscy spěwarjo jako podpěra witani

Wumělske herbstwo pěstować, kiž ma swoje korjenje w bliskej domiznje – z tutym zaměrom nazwučuje ewangelske kantorstwo při cyrkwi swjateho Mikławša w Lubiju pod nawodom cyrkwinskeho hudźbneho direktora Christiana Kühny lětsa Korle Augusta Kocorowy „Serbski rekwiem“. Předstajenje je njedźelu, 10. nowembra, w Ketličanskej cyrkwi předwidžane. W njej je Kocor lětdžesatki skutkował. Budže to třeće předstajenje scyła. Sobu skutkować budu Lubijske kantorstwo z hosćimi, mjez druhim z tamnišeje katolskeje wosady, solisća a Žitawski Collegium musicum. K zesylnjenju chóra su dalši, předewšěm serbscy spěwarjo wutrobnje witani. Proby su wotnětka kóždy pónđzelu wječor wot 19.30 hodž. na hudźbnej žurli Lubijskeho Gymnazija bratra a sotry Scholl, Pestalozzijowa dróha 21. Naprašowanja su móžne pola Friedharda Krawca, stajneho spěwarja w chórje kantorstwa, telefonowe čisło (0 35 85) 4 13 72 48.

Zwjazk Carity pyta hladarjow

Hornjołužiski zwjazk Carity pyta fachowy personal hladanja chorych ludźi w swojimaj socialnymaj stacijomaj w Kamjencu a Budyšinje. Džěłowy čas je fleksibelny a na službne potrebnosće wusměrjeny. Zwjazk Carity skići njewobmjezowane džěłowe zrěčenje hač do 30 hodžin wob tydžeň. Nadrobne informacije k žadanjam na městna nańdu zajimcy na internetowej stronje www.caritas-oberlausitz.de pod rubriku aktualne wupisanja džěłowych městnow. Tež telefonowe naprašowanja su móžne pola Sylwije Scholz, telefonowe čisło (0 35 91) 49 82 88 abo pisomne z mailku na s.scholz@caritas-oberlausitz.de